

Jetzt geht dr Luftballon in d'Höhe!  
Dert isch er, 's hänkt Ein unte dra.  
Achtung, er hänkt si jetzt an d'Zeeche,  
Er hat's in d'Zitung g'schriwe g'ha.

Dr Carroussel hat güete Zite!  
Dà macht si Geld, un b'sunders z'Nacht,  
Wenn d'Büewe d'Mäidle dirmlig ritte!  
Dà hat scho mänger glicklig g'macht!

Me klagt, ass 's Geld so rar thüet werde,  
Me meint's nitt am Làbküechestand,  
Dert sieht me Lit steh', ganze Heerde,  
Un jed's hat einer in dr Hand!

Jetzt will i mi doch heimzue mache,  
I ha jetzt satt, 's isch gnüe fir hit,  
Was mache d'Lit fir dumme Sache!  
Me müess es sàh, sunscht glaübt me's nitt.



### Philosoph un Handelsmann.

Philosoph:

Hàn ihr nitt scho in stiller Nacht  
Am Himmel b'schaüt die Sternepracht  
Un nodenkt, was dr Mensch uf Erde  
Mag si un was er noch mag werde?

Wie d'Sternle dert, so schwàbt si Welt  
Am wite blaüe Himmelszelt,  
Er wachst un stirbt druf, un im ganze  
Hat er's wie noch viel tausend Pflanze,  
Wo geh'n un kämme-as wie er;  
Wo geht er hi, wo kunnt er her?

Wie thüet me klei un schwach sich finde.  
Wie thüet gli aller Stolz verschwinde  
Vor so me-n-Ablick! — doch hàn d'Lit  
Gar wenig oder nie dr Zit,  
Fir an so Sache kànn z'danke,  
Das Ding thüet ihne lang güet hånke.  
Was hàn die Sterne ihne g'macht?  
Die ka me sàh' schier alle Nacht!  
Doch wenn uf unsre ganze-n-Erde  
Ei Plätzle nur kànn g'funde werde,  
Vo wo me se-n-allei kànn sàh,  
Was wott's do fir e Làrme gà!  
G'wiss d'ganze Welt thàt ane laüfe,  
Me miesst si Platz zum vorüs kàufe,  
Fir b'schaüe z'kànn, was me sunscht  
Küm alüegt nitt emol umsuncht!

Handelsmann:

Ihr Philosophè hàn güet z'rede  
Mit eure Sterne-n-un Planete,  
Ihr hàn halt o nit anders z'thüe,  
Doch unsereiner mehr as gnüe.

Ich ha jetzt do ne Kràmerlade,  
Ne schöner! b'schaüe mi Façade  
Un sage mir, was fehlt do dra?  
Un alles ka me bi mir ha:  
Sirop, Holzschüeh un dirre Bohne,  
Schüehnägel, Bàse, Macarone,  
Müsfallè, Hunig, Bittersalz,  
Endschüeh un Håring, Wichse, Schmalz  
Un Hosetråger, Schokolade  
Un Eier, Raüchtüwack un Fade,  
Genkette-n-Öl un Bàredràck,  
Petrol, Meertriwel, kurzewåg  
Die Sache müess i alle b'sorge,  
D'Lit kämme scho am frieihe Morge